

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KT 0061230 24  
Zenica, 06.01.2025. godine

OPĆINSKI SUD ZENICA  
-Sudiji za prethodno saslušanje-  
ZENICA

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

1. **A.A.**, , osuđivan po presudi Općinskog suda u Z. broj: .... od 05.04.2022. godine za krivično djelo Nasilje u porodici iz člana 222. stav 2. KZ F BiH na kaznu zatvora u trajanju od četiri mjeseca, zamijenjena radom uza opće dobro u trajanju od 30 radnih dana,
2. **N. S.**, , osuđivan po presudi Općinskog suda u Z. broj: ... od 28.02.2024. godine za krivično djelo iz člana 293. stav 1. KZ F BiH gdje mu je izrečena uvjetna osuda sa utvrđenom kaznom zatvora u trajanju od dva mjeseca, sa rokom provjere od jedne godine i presudom Općinskog suda u Z. broj: ... od 09.06.2024. godine za krivično djelo iz člana 222. stav 4. u vezi stava 1. KZ F BiH, gdje mu je izrečena uvjetna osuda sa utvrđenom kaznom zatvora u trajanju od jedne godine, sa rokom provjere od dvije godine
3. **N. M.**, , osuđivan više puta za krivična djela Teške krađe, Razbojništva i za druga djela, što su zajedno

Dana 26.10.2024. godine, oko 16,00 sati, na području grada Z., u ulici ..., u neposrednoj blizini škole [REDACTED], zajedno, vršili nasilje prema H. E., svjesni svojih radnji i znajući da su takve njihove radnje zakonom zabranjene, što su i htjeli, na način da su se dovezli vozilom „[REDACTED]“ kojim je upravljao A. A., dok su se u vozilu nalazili N. S. i N. M. i dolaskom na pomenuti lokalitet iz vozila primjećuju H. E., A. zaustavlja vozilo u blizini škole i sva trojica izlaze iz vozila i trčećim korakom kreću u pravcu E., držeći u rukama predmete koji liče na čakije, govoreći mu „šmekeru, kujice“, pa dolaskom do E., A. A. mu zadaje više udaraca pesnicom držeći u ruci naznačeni predmet, gdje usljed siline udaraca E. pada na tlo, a zatim mu sva trojica zadaju udarce nogama u predjelu glave i leđa, usljed kojih udaraca je H. E. zadobio lake tjelesne povrede u vidu nagnječenja glave u predjelu čela, potiljka, te desno sljepoočno, istegnuče mišića vrata, ogrebotine na trećem prstu lijeve šake, čime su ovakvim radnjama ugrozili građanski mir i njegovu sigurnost,

čime su učinili krivično djelo nasilničko ponašanje iz člana 362. stav 2. u vezi sa članom 31. KZ F BiH.